

弇州山人續稿卷之九十五

吳湛遂占良元美著

文部

墓誌銘

中奉大夫江西承宣布政使司右布政使虹洲

秦公墓誌銘

秦之先自嬴氏至宋而高郵人學士觀以謫死葬無錫燦山下其子郡倅湛遂占籍爲其邑人十七傳而爲貞靜公夔累官江西右布政使貞靜則其鄉人私謚也貞靜公之仲子曰孝廉公永孚以高行旌孝廉

公之子曰都事公鏗舉鄉貢不第竟謝公車業以終
有子曰通叅公瀚公父也其稱通叅者從公爵也母
曰殷宜人公諱梁字

生而美姿容眉目如畫稍

長所習書輒誦述工屬文補博士弟子叟試冠其考
儁聲隆隆起執經請贄者踵相接矣當是時公所居
有山曰金匱因自號匱山而曾嘗出而五色氣蒙之
若霧望者覩其地有虹起上屬天而恠之公因更署
號曰虹洲蓋以雅自負云而未幾果中鄉試高等明
年試禮部司試者奇公文薦以爲第一人而所射策
與主試江學士意異爭之彊公見絀然自是名益起

其又三年而試得第八人錄其文以式當是時公名籍甚館選垂及而失之亦以媚者故出補南昌府推官南昌民嚚而好氣勝公起書生驟得李官人竊或少之乃所擊斷亭剖即老吏不若郡多宗室子侯又豪貴人子弟往往交借故相嚴勢魚肉其卑亦公一切用柱後惠文彈治之不少假則相戒毋膺此強項司理而巨盜平十二者竄險時時從其黨行剽監司苦之爲下公逮公廉得尉某與盜有連不出意詰之曰若自知死不何自通盜尉股栗搏頰請命公曰吾寄若刃頸姑爲說離其黨而以酋來爲若泯迹尉卒

如教縛平十二至論報磔於市公旣以材顯諸臺委
所部行屬邑至他傍郡車跡殆徧每治牘丙夜不小
止子爌蹠而請曰大人得無憊耶且休矣公指其牘
曰兒稚何知此曹子生死吾指掌間吾烏能休也故
公所受聲嚴而不殘爲閩省冠徵拜吏科給事中居
無何 朝議築都南郭最爲鉅典所使中貴人大臣
徹侯考工將作以數十計而公與御史苟君監之公
遂止舍郊晝夜不歸邸所部分尺寸皆有程嘗劾罷
中貴人之家於工者以故咸惴惴不敢飾非自便城
成第功上等超爲通政司叅議其明年大水頗圯城

公仍兼給事中監之賜金幣如前當是時相嚴貴益甚而其子世蕃黷以侍郎與董工事心器公時時結杯酒歡且啖以九列公醜之用親老辭得南京太僕少卿太僕署於滁有故王文成公講舍公與諸生讀書談道其間甚適也久之遷鴻臚卿再遷右通政俱仍南京世蕃乃使其客示德色於公曰公一歲而再遷皆清局者誰自也公謬詘其語曰吾不知自也將無以久次竽濫之食乎哉竟不謝未幾太廟災公請罷鐫秩爲浙江布政司左叅議俄相嚴得罪公稍遷山東按察使副使協理堂事時堂務簡而所兼署提

學及德州兵備事亦辦尋改浙江專督學政是時秋
已過期公星夜行抵任三日而出行部五閱月而以
十一郡諸生黜陟告成既畢試浙士九十五人公試
而首者五十六人餘亦優等遂相歎以爲神明而公
務寬大多所優進每謂士疇不欲乘時取功名者錮
人聖世吾不忍襲之他操切少年不善也尋進布政
司左叅政亡何遷湖廣按察使甫下車振頽提綱大
欲有所爲而江西右布政使之命下矣公時方急通
叅公疾將䟽乞終養不果因倍道歸侍湯藥者二月
而通叅公卒得以窮易戚亡憾生死而歲大計吏竟

用浙中事罷公夷然不屑也戲語客五閱月而浙雋
無遺疑此爲誤人間多矣吾而不罪誰當罷者公素
孝所奉通叅公齋慄志養旣除服乃以所事通叅公
者事殷宜人朝夕上饗博滋味微聲伎而薦之殷宜
人爲加七且屬公觴曰姑爲我一寓目而公亦自好
游適所居邑多佳山水選要創墅曲承其勝有所謂
惠山園及春申別墅者畫船簫鼓中載詩酒人如葉
茂長姚舜咨顧世叔輩相與翔游歌呼毋論晝夜唯
不佞獲三四過公輒留留輒大飲飲輒醉醉輒捉予
耳朗誦所爲詩若文弗竟弗已且曰吾太夫人善飯

吾善酒吾婦善爲饗弟與子皆善逢迎而又皆才吾
以應人間世亡感額者然間一涉時事及長吏可否
未嘗不慷慨色動也不佞乃以是竊窺公非但爲樂
者公於友愛天性黎明率諸弟謁家廟退坐中堂笑
語移晷乃別每宴而有虛席輒顧問某郎何狀竟酒
邑邑不樂歲賦踐更則曰寧吾代之不以累若也以
故諸弟能自致力潤屋而書亦不廢從弟本貧不能
謁選則資之選從父滂判劍州遠不能赴則資之赴
又嘗爲王氏姑及女弟之夫朱連調歛葬他親族緩
急叩之即應亡問橐肚公旣以得浙士心而其顯者

道里近又數來長郡國以是不落莫有邵某按部而
鄒某爲邑咸首造公有所叩而公不荅第一言邑賦
利便而已邑以鄉飲太賓請公爲一赴之亦不再也
蓋江以南亡不稱公慎重長者而公於纂邑志直筆
亡緩借人或謂公不爲指嚙計耶公謝曰嚙者不審
誤許之今無及矣雖然吾不以指嚙易鬼責也蓋志
成而識者目之良史公偶食於已氏而逆尋寒中之
少已而大會客觴殷宜人八十復中勞疾大發凡五
閱月而革顧謂子燝等曰吾粗自全歸何恨恨不獲
終事老母耳遂瞑得年六十有四娶陳宜人溫令能

操內秉而恭事公如公語丈夫子四燮郡諸生娶譚
爲右都御史愷女先公卒次曠太學生娶顧爲塩課
提舉其女繼娶徐爲魏公鵬舉孫焯亦太學生娶吳
爲左諭德情女俱陳出燿聘唐太學生其女側出女
三適之立梁化行胡汝節俱太學生孫男四爾達聘
徐爲鄉進士其女爾佳聘賈爲紹興守其女爾載聘
施爲吏部主事其女爾基未聘孫女三適太學生顧
標李玘粹黃懋穎葬在軍將山之新阡蓋曠之來乞
誌銘也寔以公治命云而狀則徵之光州守陳君以
忠陳君公婦弟也其視公師友間能爲悉公余旣善

公而覈陳君語故不辭銘曰

土有壟而培則崇木有萌而滋則豐秦甲於常曰端
敏公暨今給事中公顯其間迨嘉及隆培之滋之夫
是以窩窩芄芄乃公不盡食之以還化工畢如其丘
窈如其宮吾以上其後之弘

驃騎將軍中軍都督府僉事鎮守浙直地方總
兵官玉江楊公及配呂淑人合葬墓誌銘

隆慶五年十二月十一日故都督僉事楊公卒于里
前三日其配呂淑人卒而公業寢疾以哀痛亦卒于
是其友人王世貞往哭之而又八年其子之慶始能

舉而葬黃泥涇之先兆而乞曹山人昌先狀以請志
銘按狀尚英公諱也時俊公字也九江之德化公始
地也玉江公別號也以德化昉也有高者從

高皇帝起義兵累功至明州衛千戶坐累謫雲南平
夷衛百戶調泗州衛復從文皇帝渡江徙鎮海衛

仍爲千戶自是而和而春而富而鯤俱世世受千戶
富鯤復緣公貴贈昭勇將軍都指揮僉事都指揮富
公王父也鯤公父也封太淑人武公母也所受自千
戶以至署指揮僉事實爲指揮使署都指揮僉事又
實爲都指揮同知署中軍都督僉事公爵也自所篆

而巡江而巡海而協守劉家河自把總而以都指揮
體行已僉湖廣都司已遷通奉叅將已左轉江南游
兵都司已遷塩城叅將已復爲蘇松叅將已協守浙
直爲副總兵已進鎮守爲總兵公職也公生而壯大
多權畧七歲就外王父武氏塾於同館無所不狎侮
嘗遇一業姑布者孰視之曰是非凡兒也出三十當
大貴故昭信尉呂某亡子有一女而賢公乃入贅焉
補州學諸生始折節爲禮讓步趨循循矣二十三爲
千戶捷武舉都試不第歸而署所事不索卒一錢曰
伍行盡矣寧堪再迫且丈夫豈終一千夫長而忍爲

此公長七尺餘虬鬚虎頤猿臂善射臺使者行部望
而異之及試射輒命中以故勞賞恒冠諸軍而其巡
海也以三翼舸衝閩賊餘皇敗之獲其酋林成事聞
賜白金十兩再捷武舉有司梓其文都試復不第歸
仍故統猝遇倭數百艘衆寡不敵公令聯舫爲方陣
戒士持滿毋輕發賊出叵測引去乃徐還師時倭寇
已傳州肉薄而登中丞蔡公急召公射之俱應弦倒
最後射一衣紅者額賊驚解散會蔡公坐不稱改去
賞遂格而公最後三應都試復不利而倭寇復大舉
入寇勢張甚巡撫彭公恭政翁公才公而意其避倭

難故係其家屬欲以激公而公果日夜馳竭二公乃大喜曰吾不虞一面矣遂以舟師授公俾便宜行事公慷慨擊楫誓不與賊俱生乃身練士習射搏力勾卒之法選覲勇者爲前茅而募長年教之使換風羊角而據上游自四月至五月鋒賊於南沙再囑之劉家港再掩之七丫港與吳淞江前後俘斬百八十餘級溺死者無筭而其把總也所鑒賊自教場洪三丈浦馬蹟山吳家沙寶山吳淞江清水窪凡七捷俘虜尤衆至推級以予故太倉守熊公及兩衛使俱獲論贖且遷而公之轉鹽城也其帥李中丞迫欲得之而

江南帥強智公以重不獲發李公遂用逗遛法効公
賴大司馬知之薄其罪得領江南游兵無何大軍扼
賊艘於三沙凡四十忽盡匿帥謂公賊遁乎公曰我
師亘百里刁斗相望一零箸不能越而四十艘乎沙
多蘆其內有棲麥此必伏蘆中就麥伺我惰而後潰
圍走也帥曰善爲我跡之公跡之果伏蘆中乃揚金
鼓狀若焚蘆者賊果整舟出公舉幟大呼矢石齊奮
賊遂大敗無得脫者公戰功於江南叅俞大猷劉顯
間而未嘗一敗北倭旣累挫其選鋒少不能軍而公
之遷副將至大將羽檄日益希幕府鮮上首虜矣公